



Na osnovu člana 2. stav 1. tačka 1.6., a u vezi sa članom 12. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“ br: 12/03, 34/03 i 65/13), člana 38. Statuta Grada Sarajeva (Službene novine Kantona Sarajevo” broj 34/08 - prečišćeni tekst) i člana 18. Statuta Javnog preduzeća „Olimpijski bazen Otoka“ d.o.o. Sarajevo OPU-IP 1804/2018 od 22.11.2018. godine, Gradonačelnik donosi:

### ODLUKU

o imenovanju Predsjednika i dva člana Skupštine  
Javnog preduzeća „Olimpijski bazen Otoka“ d.o.o. Sarajevo

#### I

Za Predsjednika i dva člana Skupštine Javnog preduzeća „Olimpijski bazen Otoka“ d.o.o. Sarajevo, na period od 4 (četiri) godine imenuju se:

1. Safet Krajišnik, Predsjednik
2. Amina Deljković, član
3. Šejla Ibrahimović, član.

#### II

Ova odluka stupa na snagu narednog dana do dana objave u “Službenim novinama Kantona Sarajevo”.

Gradonačelnik

mr. Abdulah Skaka s.r.

Broj: 01/04-05-2527/19  
Sarajevo; 03.04.2019. godine



## OBRAZLOŽENJE

### PRAVNI OSNOV

Pravni osnov za donošenje ove odluke sadržan je u članu 38. Statuta Grada Sarajeva kojim je propisano da je gradonačelnik izvršni organ Grada Sarajeva, predstavlja i zastupa Grad Sarajevo i odgovara za ustavnost i zakonitost akata koje donosi, odnosno predlaže Gradskom vijeću, kao i u članu 18. Statuta Javnog preduzeća „Olimpijski bazen Otoka“ d.o.o. Sarajevo OPU-IP 1804/2018 od 22.11.2018. godine kojim je propisanae funkcija, sastav, način imenovanja i razrješenja predsjednika i članova Skupštine, kao i mandat na koji se imenuje Skupština.

Članom 12. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“ br: 12/03, 34/03 i 65/13) propisano je da ovlaštenu javni službenik osigurava konačna imenovanja sa rang liste koju je predložila Komisija za izbor. Istim Zakonom u člana 2. stav 1. tačka 1.6. utvrđen je pojam „javnog službenika“, što je u konkretnom slučaju gradonačelnik

### RAZLOZI ZA DONOŠENJE

Nakon usklađivanja akata Javnog preduzeća sa važećim zakonskim propisima, gradonačelnik je u skladu sa Zakonom o ministarskim, vladinim i drugim imenovanjima FBiH („Službene novine FBiH“ broj 34/03) raspisao javni oglas za upražnjenu poziciju predsjednika i dva člana Skupštine JP „Olimpijski bazen Otoka“ d.o.o. Sarajevo koji je objavljen u "Službenim novinama Kantona Sarajevo", broj: 07/19, a dana 22.02.2019. godine dnevnom listu "Oslobođenje" i službenoj web stranici Grada Sarajeva, te imenovao Komisiju za provođenje oglasne procedure za izbor predsjednika i 2 (dva) člana Skupštine Javnog preduzeća "Olimpijski bazen Otoka" d.o.o. Sarajevo. Na javni oglas pristiglo je sedam blagovremenih prijava. Komisija za provođenje oglasne procedure izvršila je otvaranje pristiglih prijava dana 19.03.2019. godine i nakon uvida u dostavljene prijave, Komisija je jednoglasno konstatovala da 6 (šest) kandidata ispunjavaju sve tražene opće i posebne uslove iz javnog oglasa i potrebnu dokumentaciju za upražnjenu poziciju, a koji su utvrđenu Odlukom o standardima i kriterijima za imenovanje predsjednika i članova Skupštine J.P. „Olimpijski bazen otoka“ d.o.o. Sarajevo broj: 01-05-716/19 od 25.01.2019. godine.

Nakon obavljenog intervjua sa svim kandidatima koji zadovoljavaju sve tražene uslove javnog oglasa, 22.03.2019. godine, komisija daje prijedlog Gradonačelniku Grada Sarajeva da se izaberu kandidati kako slijedi rang lista kako je i utvrđeno u članu 1. ove Odluke.

U cilju nesmetanog funkcionisanja Javnog preduzeća Gradonačelnik Grada Sarajeva donosi ovu odluku.

### FINANSIJSKA SREDSTVA

Finansijska sredstva za provedbu ove Odluke obezbjedit će se u Budžetu Grada Sarajeva.



KANTON SARAJEVO  
Grad Sarajevo  
Komisija za provođenje javnog oglasa  
Broj: 01-34-1768-3/19  
Sarajevo, 25.04.2019. godine

## ZAPISNIK

Komisija za provođenje oglasne procedure za izbor predsjednika i 2 (dva) člana Skupštine Javnog preduzeća "Olimpijski bazen Otoka" d.o.o. Sarajevo, u sastavu: Maja Hadžihalilović, rukovodilac Stručne službe, predsjedavajuća komisije, Nedim Tvrtković, pomoćnik gradonačelnika za urbano planiranje, investicije, stambene i komunalne poslove, zamjenik predsjedavajuće, Ensar Emonović, šef Odsjeka za kabinetske i protokolarne poslove, član komisije, Merima Arifhodžić, stručni savjetnik za javne nabavke, član komisije i Asja Kahvedžić, stručni savjetnik za finansije, član komisije, imenovani Rješenjem gradonačelnika, broj: 01/04-05-1768/19 od 06.03.2019. godine i Rješenjem o izmjeni Rješenja gradonačelnika, broj: 01/04-05-1768-1/19 od 15.03.2019. godine, po oglasu objavljenom u "Službenim novinama Kantona Sarajevo", broj: 07/19, a dana 22.02.2019. godine dnevnom listu "Oslobođenje" i službenoj web stranici Grada Sarajeva, utvrdili su listu kandidata, koji ispunjavaju uvijete iz oglasa i s tim u vezi sačinila Zapisnik, dana 19.03.2019. godine.

Intervju sa kandidatima, koji ispunjavaju uvijete iz oglasa održao se 22.03.2019. godine u prostorijama Grada Sarajeva, sala 320, III sprat.

Na intervju su bili pozvani slijedeći kandidati:

1. Safet Krajišnik,
2. Amina Deljković,,
3. Šejla Ibrahimović,
4. Helena Jurković
5. Azem Hamzić,
6. Meliha Jahjaefendić

Svi pozvani kandidati su se odazvali na intervju. Komisija je sa svim kandidatima ponaosob obavila razgovor. Kandidati su potpisali Obrazac kojim se iznosi pitanje ili mogućnost koja bi mogla dovesti do sukoba interesa u slučaju da dođe do imenovanja na poziciju predsjednika ili člana Skupštine Javnog preduzeća "Olimpijski bazen Otoka" d.o.o. Sarajevo, svaki od kandidate se ukratko predstavio i odgovorio na pitanja Komisija: Koje su nadležnosti Skupštine?, dosadašnja iskustva u radu Skupštine?, kakav bi bio njihov doprinos Olimpijskom bazenu Otoka kao predsjednika ili člana Skupštine? i po još jedno pitanje direktno vezano iz njihove struke.

Nakon obavljenog intervjuja, Komisija daje prijedlog Gradonačelniku Grada Sarajeva da se izaberu kandidati kako slijedi rang lista:

1. Safet Krajišnik,
2. Amina Deljković,,
3. Šejla Ibrahimović,

4. Helena Jurković
5. Azem Hamzić,
6. Meliha Jahjaefendić

Komisija je svoj rad okončala u 15:30 sati.

Komisija:

1. Maja Hadžihalilović, predsjedavajuća komisije
2. Nedim Tvrtković, zamjenik predsjedavajuće
3. Ensar Eminović, član komisije
4. Merima Arifhodžić, član komisije
5. Asja Kahvedžić, član komisije

  
